

河南穆公集

河南穆公集

四部叢刊集部

河南穆公集卷第一

穆

脩

伯長



詩

江南寒食

江城水國春光饒
清明上巳多招邀
花陰連絡春草岸
柳色掩映紅欄橋
歌調嘔啞雜吳俗
髻鬟踈削傳南朝
誰憐北客歸未去
楚魄湘魂惟暗消

送毛得一秀才歸淮上

江天梅雨晝蕭蕭
送別愁吟白紵謠
處士才高

融未荐騷人魂斷玉方招自傷樞驥心千里空
美冥鵬志九霄酒罷征鞍迢遞去不堪回首木
蘭橈

君歸迢遞淮西路我客蕭條秋浦城惻惻相看
復惻惻行送別重行途中猿鳥哀聲斷馬
上雲山遠碧橫富貴窮通俱未決直傾樽酒沃
離情

食魚

南有嘉魚異常趨四月期江天專伺至烟網密
爭垂乍戲汀蘋末初循水荇湄競搖輕舫艫寬

罩碧連漪占浦搜深濤空波出素髭數頭餘赤
質二色類銀姿貨鬻斯為切鮮腴敢暇知青錢
邀價直華屋市新竒珠沫緣條煦霜鱗逐办稟
扣顱瓊聚骨剖腋錦分肌味佐芳菰愜香參苦
笋宜羹甌融臘玉膾筋胃縷一作寒絲湘鯽非吾
偶河魴孰與夷荐新奚尚類稔毒即殊饕饕訝
休官易鯖嫌醒酒遲自當頻佐膳所惜易過時

魯從事清暉閣

庾即真好事溪閣斬新開水石精神出江山氣
色來疎烟分鷺立遠靄見帆迴公退資清興閑

吟倚檻裁

送葛源之太和主簿

勿歎從卑位
聊欣造去情
愁風九月急
飛鳥一
帆輕
鱸斫江鱗活
杯嘗楚釀清
歡一作華莫回首
寵辱正堪驚

送靈師歸吳

靈師殊可尚
頗不類浮屠
托跡雖依佛
留心獨喜儒
風塵倦京洛
水石隱勾吳
破寺杉松老
南歸舊隱孤

江南春

杜若谿邊待釣舡。怨紅傷翠助鸝鶯。戟回春事
青蒲劍。買破韶光綠苻錢。千嶂遠。圍芳草。困一
江晴。浸斷霞。天未知多感。多愁客。何處偷尋覓
底眠。

寒食

江邊又寒食。僮客柰離襟。恨滿王孫草。愁多望
帝禽。雞毬輕薄事。歌酒宴游心。盡付吳兒輩。惟
知屏跡深。

江上送陳翹還無為

江上寂寥春雨晴。江邊冉冉春潮平。相逢未盡

斗酒醉相送又速孤舟行篴竹窮鎖秋浦郡烟
波渺隔無為城音塵兩地不千里勿使負君金
玉聲

殘春病醒

風簾窸窣燕吟吟卧對殘芳起鬱陶乍困遊車
一作鞍春尚在未扶醒枕日初高煩腸屢沃瘳難
解病髮慵替癢更搔欲為風光輕賦別正無憐
賴染江毫

書事竟菴

惠澤涵濡四海同微生曾莫預昆虫不參品物

陶鎔外獨作窮人蓋載中深窅已顛猶磷石危
苔將籜更推風一家寄命嗟無地何負明神與
上穹

和毛秀才江墅幽居好十首

并序

榮陽先生有墅在宣城之南陵嘗作村居詩十
首其詩用律格五言四韵每篇皆同上之一句
元和長慶來詩人多是体生之往還踞而和者
數人豎携北來出以相示予諷其篇而悅其事
既恨未得往從之游喜用其韵而繼之得以盛
言生所居之樂宣城寔江外之郡而墅且在焉

因首用是句

江墅幽居好當門看水田
島鷗閑夕照秔稻秀
原烟野屐無完齒山衣有敗肩
遙聞双闕下蕭
鼓樂豐年

其二

江墅幽居好南塘枕野亭
菰蒲顫風綠菱苳蓋
波清繫葦一魚艇
翹烟双雪翎相携二三叟扶
醉不曾醒

其三

江墅幽居好谿山數里長
徑通茶塢綠門枕橘

園香藉石還勝榻聽松不讓黃閑游鷺里巷自作
急淪裝

其四

江墅幽居好老農時款扉濁醪尤共醉野話坦
無机山雨欲到檻竹風先滿衣谿南秋更樂稻
熟又魚肥

其五

江墅幽居好賓來定不愁酒釀新出榨魚活旋
離鉤移席追松影調琴和澗流陶然方外樂名
教繫何由

其六

江墅幽居好柴閑帶竹蘿田頭餉耕後樹裡灌
園時鄰靜鳴秋織樵閑對野棋抵蟻非我事大
咲引蘇錐

其七

江墅幽居好名山對九華疎簷十餘畝古屋兩
三家碓下雞爭黍蘿根虺逐蛙水邊閑送目獨
鳥在秋槎

其八

江墅幽居好何妨鄙事忝神隨山父賽莖李野

人占露草牛羊喜秋霖黍苴嫌短牆裊柳下寒
水半渠淹

其九

江墅幽居好身如醉伯倫浮名拋可得荒宴罷
何回酩酊乘藍輦逍遙岼角巾人間莫回首容
偽不容真

其十

江墅幽居好人間晚最孤魚臨谿樹釣鳥隔水
烟呼野竹挂薜荔山花睡鷓鴣画工能狀出羞
殺輞川圖

燭

一箔珠簾掩映垂
房櫳清染麝香枝
佳人盼影橫哀柱
狎客分光綴艷詩
禁鎖翠明初唱漏
宮憲紅短尚圍棋
長宵且秉歡游去
無限風情見古辭

過西京

西京千古帝王宮
無限名園水竹中
來恨不逢桃李日
滿城紅樹正秋風

賦催粧

嚴粧應在綉閨中
似聞春芳拆曉風
試問夭桃

臨碧沼何如艷質對青銅

送孫立東游

詩筆知名曾苦刻文章多難久漂流睢陽縱酒
黃金盡提劍東方暫一游

村郭寒食雨中作

寂寥村郭見寒食風光更着微雨遮鞦韆閑垂
愁稚子楊柳半濕眠春鴉白社皆驚放狂客青
錢盡送沽酒家眼前不得醉消遣爭奈惱人紅
杏花

清明連上巳

改火清明度。漸衫上已連芳辰。來屬續游事。因
聯翩。酒帳經旬。直花司併日。權俠兒狂不足。犹
恨促春妍。

合歡芍藥

薰風對坼香心破。浩露双滋粉面新。油壁車中
同載女。菱花鑑裡並粧人。皇英帝子鍾遺艷。琬
琰宮姬托後身。誰道獨呈芳瑞晚也。勝常調壯
丹春。

故侯園

池館早來瓦礫存。路傍看取故侯園。身前便作

荒涼計祗樹芳菲不樹恩

送定師南游

營：李佛徒皆喜嘗吾道怜師獨異群
儒藝知探討誦詩三四章往：見辭
藻玉璞在琢磨不難成至寶知予
本好古身服仁義老勤請送行
詩安足慰枯槁別時汝穎路涼
葉驚秋早南游何當還江潭無
限好

送人主邊寨

豈憚河湟遠男兒效主恩
窮邊人不到孤戍自分
屯馬放胡沙暖烽傳塞
日昏軍前初謁帥戎